

三經同卷

無字寶篋經

離文字普光明藏經

長者子制經

無字寶篋經

元魏天竺三藏法師菩提留支譯

跋

無言藏永安隱眠諸所施爲皆悉善樂姓名

普聞離於三界能救三界所住衆生善覺真

如普示並賢遍示其身諸行清淨善能覺達自

身他身皆得成就明利智慧所謂勝響菩薩

法響菩薩勝諸分菩薩法眼菩薩千相菩薩

辯聚菩薩勝思惟菩薩持地菩薩持地際菩

薩深入地際響菩薩地響菩薩具辯菩薩上

積菩薩華目菩薩優鉢羅目菩薩頂髻菩薩

文殊響菩薩如是等菩薩摩訶薩不可筭數

皆是童子皆從他方不可觀察恒河沙等世

界來集一切皆住受法王軀太子位處勝思

惟菩薩無量釋梵之所圍遼普賢菩薩虛空

洲大寶之藏皆悉善知善不善法覺三世事

一切成就無字辯才善達二空得勝妙地善

學諸諦通達實際無邊勇健無所執著悉能

通達自性上法能善思惟實以不實二種法

門胎藏牙生永離生死善覺秘密善知諸相

應護諸國得大名稱皆悉復得勝名勝藏得

如是我聞一時婆伽婆住王舍大城耆闍崛

山中時有無量百千万億大菩薩衆圍繞如

來皆是大智善權方便勇猛精進善能通達

無字法門善能清淨是處非處慚愧解脫羅

網所覆調伏諸根以慈悲牙以慚愧牙愍念

衆生得大三昧以智爲首善敬智也猶如寶

大目犍連大迦葉等一切悉是大阿羅漢真
練菩薩勝思惟善菩薩無量天女之所圍遶藥
王菩薩藥上菩薩無量眷屬之所圍遶所有
十方恒河沙等世界之中諸有日月自恃威
德生我慢者一切皆悉來向佛所到佛所已
於如來前却住一面即見自身無有光明猶
如聚墨在於闇浮那提金邊此諸日月住如
來前不自顯現亦復如是無心欲住亦不欲
說無有威德不能顯現那羅延等無量諸天
之所圍遶大神龍神得叉迦阿那婆達多等
諸大龍王無量諸龍之所圍遶善音乾闥婆
王有無量億乾闥婆衆之所圍遶無獸足迦
樓羅王亦有七億迦樓羅衆之所圍遶來至
佛所時此三千大千世界恒河沙等諸世界
中所有諸菩薩各於彼處啓請其佛既請佛
已四衆圍遶來至娑婆持出世間諸供養具
來至佛所彼諸菩薩供養佛已各各自坐蓮
華座上尔時有菩薩摩訶薩名勝思惟來至

佛所即白佛言汝尊世尊若當聽許我者我
乃敢問如來二字尔時佛告勝思惟菩薩言
聽汝所問隨汝意問如來不爲一衆生故此
處成道乃爲汝等諸大龍象我出於此尔時
勝思惟菩薩白佛言汝尊何者一法而是菩
薩所除滅者何者一法而是如來所證覺者
余時世尊讚勝思惟菩薩摩訶薩言善哉善
哉梵天汝已淳熟無量善根諸佛加持問此
句義善男子汝今諦聽善思念之我爲汝說
余時勝思惟菩薩禮如來足頂戴而受佛言
善男子有一種法菩薩應滅所謂貪法善男
子此是一法應當永滅善男子復有一法菩
薩應滅所謂瞋法善男子此是一法應當永
滅善男子復有一法菩薩應滅所謂癡法善
男子此是一法應當永滅善男子復有一法
菩薩應滅所謂我見善男子此是一法應當
永滅善男子復有一法菩薩應滅所謂懈怠
善男子此是一法應當永滅善男子復有一

法菩薩應滅所謂睡眠善男子此是一法應當永滅善男子復有一法菩薩應滅所謂貪愛善男子此是一法應當永滅善男子菩薩復應除滅一法所謂無明善男子此是一法應當永滅余時勝思惟梵天白佛言世尊何者是一法而諸菩薩日夜防護余時世尊語勝思惟菩薩言善男子所謂菩薩已所不欲勿勸他人善男子若有善男子善女人護持此法彼善男子善女人護持如來一切戒藏何以故善男子愛自命者則不殺生愛自財者不盜他物愛自妻者不侵他妻善男子是等衆生發如是意言我敬順如來正教彼善男子常當勤心防護此法以何義故善男子若有善男子善女人欲求無上正真等覺大菩提者彼人悉是爲樂故求而無有求自身苦者世間惟有樂受樂者以是義故我說此言汝等當知已所不欲勿勸他人善男子此是一法菩薩常當日夜護之善男子如汝所

問何者一法而是如來所證覺者善男子無有一法如來所覺善男子於法無覺是如來覺善男子一切法不生而如來證覺一切法不滅而如來證覺一切法不實而如來證覺善男子如來善說業因緣一切子如來善說業因緣如來善證業因緣一切法因緣所縛而如來善覺善男子彼因緣者猶如電光而如來所覺離因離緣如來說言無有業報既成正覺而受之也一切法廣博嚴藏是如來所證善男子以何義故說廣博嚴藏善男子所有世間出世間智等彼從何生若彼智以真實觀正觀察時般若波羅蜜

轉爲甚深彼法余時得名爲藏善男子我亦復說一切諸法如幻如焰是佛所覺性相一味解脫之法是佛所覺所有性相一味解脫是一切法廣博嚴藏善男子若善男子善女人復有一法是佛所覺善男子所謂諸法不去不來無因無緣無生無滅無思不思無增

無減善男子若法畢竟自性法性非是自性
 若法譬喻所不可說若以名字亦不可說此
 是一法如來所覺說此廣嚴上王無字寶篋
 光嚴法門時乃至得住十地菩薩有微塵數
 眼不覩者如是等衆皆得阿耨多羅三藐三
 善菩提心如是等衆生證阿羅漢果復過此數
 衆生捨地獄苦生於天中無量諸菩薩現百
 千万諸三昧門何況多說而無利益今時佛
 告羅睺羅言汝能受持我此所說正法義不
 說此語時以佛神力恒河沙等諸世界中九
 億菩薩從座而起即白佛言世尊我等皆能
 持此法門令於此間娑婆世界未來世中爲
 諸衆生流通不絕知是菩薩是智器者爾時
 四大神王白佛言世尊我等亦能受持如來
 所說法義今彼菩薩所求滿足若於是中是
 智器者爾時世尊周遍觀察一切衆已作如
 是言善男子我非惟修少善根而成正覺
 彼諸衆生若有能聞此正法者彼亦非修微

少善根若能受持此廣博嚴上王無字寶篋
 法門若能聞者彼人則爲已恭敬我尊重讚
 歎善男子是善男子善女人則爲兩肩荷擔
 菩提彼人則得不斷辯才得善清淨諸佛世
 界命終之時則得現見阿彌陀佛聲聞菩薩
 大衆圍遶住其人前亦見我身於此耆闍崛
 山王頂及見此等諸菩薩衆善男子彼善男
 子善女人則爲已得大法庫藏而不可盡得
 宿命智不生惡道善男子我今說此一切世
 間所未曾有難信法門善男子若彼善男子
 善女人設有逆罪以其善能讀誦受持此勝
 法門若自書寫若勸人書若自讀誦勸人讀
 誦若能自持若勸人持善男子我說彼人不
 見惡道則爲一切諸佛所記彼諸菩薩皆得
 五眼諸根具足一切諸佛之所護念一切菩
 薩之所攝受令滅無量煩惱業障即得清淨
 善男子我此所說最後言說自我得道成正
 覺來未說此言佛說此已勝思惟等諸大菩

薩帝釋王等諸天及四大王人天阿修羅迦樓羅緊那羅軋闍婆等一切世間聞佛所說皆大歡喜

無字寶篋經

大乘離文字普光明藏經

唐中天竺國三藏法師地婆訶羅奉勑譯

如是我聞一時佛在王舍城耆闍崛山中與大菩薩無量百千億那由他數皆是大智精進善巧證無言法獲妙辯才是處非處不相違仄善調身心具諸解脫常遊三昧不捨大悲慚愧爲身智慧爲首多所饒益如大寶洲了知諸法善不善相不著文字而有言說於真俗門洞達無礙深明實際不住其中善能分別而無所受雖歟生死常護世間周徧十方有大名稱於真妙藏寂然宴息雖現受身永出三界而行諸有勉濟衆生平等教誨志

常賢善平等憐愍心無染著能令自他莫不清淨成就如是無量功德其名曰勝思惟菩薩法震音菩薩妙身菩薩法輪菩薩辯積菩薩持地菩薩持世菩薩大名稱菩薩具諸辯菩薩千容相菩薩功德山菩薩蓮華眼菩薩蓮華面菩薩珠髻菩薩妙音菩薩如是等菩薩摩訶薩皆如童子色相端嚴於此衆中而爲上首

余時觀自在菩薩與恒河沙等紹尊位者諸菩薩俱殊勝見菩薩與無央數天帝釋俱虛空藏菩薩與無量菩薩及無量四天王衆俱大勢至菩薩與無量億梵天衆俱徧吉祥菩薩與無量婬女俱普賢菩薩不空見菩薩星宿王菩薩離疑菩薩息諸蓋菩薩藥王菩薩藥上菩薩各與無量菩薩衆俱其中亦有無量諸佛自變其身作菩薩像尊者舍利弗摩訶目乾連摩訶迦葉如是等大阿羅漢各與無量聲聞衆俱那羅延等無量天衆乃至恒